

靜

廉

齋

詩

集

靜廉齋詩集卷二十

仁和金 甦雨叔

西溪拜汪積山先生墓

在西穆陽

戊戌上

弱冠從公請定文飢驅便作死生分當年送別江南路
獨許能空冀北羣病廢歸田披宿草感深拭淚戀斜曛
回車腹痛應無怪雞酒何曾沃酌勤

湖上都無隙地留西溪一壑較清幽人生埋骨終難免
身後尋山不自由竹色青霄同掩映梅花香雪遠飛浮
吟風儻少素心侶遲去我重陪杖履游

三吾薄游江左老懷惘惘雜詠四律示之

大學諸生尙乞歸解官何事別庭闈懸魚祇爲遵家訓
負米仍煩著客衣目送天涯游子遠心愁厚祿故人稀
臨歧制淚無多囑春日雖長露漸晞

廉吏誰云不可爲只應強忍別離悲飾巾待盡期猶蚤
懷刺干人去莫遲嶺海盼將萍梗聚江淮聽說稻粱宜
吞腥啄腐飢驅累清白終須戒染絲

弱女非男不啻過比來及事竟如何縱逢柳絮難成詠
試授冰絃妙解和嘉耦正宜求玉潤俗情寧復計金多
蚤看秀出含飴列汝意能無睨斧柯

側生一樹或成林仙果曾勞海畔尋佩鞶屢捐嬰短玉

開籠好放訴寒禽幾時遙集追留種空遣恭心茹歎音
無子合教人有子頗憐錮婢欲垂箴

成山招集雲潤堂觀大理石書案作

成連壁上觀潮圖靈胥鼓怒驅天吳風聲水聲挾呼洶
審聽方知畫作殊君言人巧不足翫天繪請看留石案
蜿蜒羣峯帶雪青萬里長江并剪斷其來無首去無尾
滔滔直瀉迷涯涘龜魚水底想崩奔敢有帆檣犯摧圯
日射華堂影欲浮含津吐潤釀雲油波痕不蹙蹙紋皺
月窟惟乘竹箭流幾年槎泛窮南極溟漲昏昏嗤筆力
雄奇清淑秀兼鍾寶從洱海蒼山得追惟祖德遠流傳

世祿縣延三百年賸有空營標細柳那能醒酒訪平泉
成氏先世自明初以軍功得授世職所居在東城至今名成衙營也
太平武達文通換廉吏裝船鬱林岸故家舊物總銷沈此石居然遺一段自
將磨洗發光華溫潤真同玉絕瑕不信化工精畫理山
川粉本肖無差吾祖滇南從宦久大理石屏羅座右卽
今零落了無存覩此蒼茫感瓊玖靜對移時晷倚西綺
筵促坐酌玻璃塵襟滌淨餘靈氣珍重諸公放筆題

崇文書院訪誠齋不值留詩以訂後期

蚤趁湖濱講席開先生未到客空回階前書帶方抽葉
隄上詩情恰看梅老眼衡文知迅埽閑身載酒約重來

招邀安樂行窩近絳帳雙懸喜共陪
擬同邵養村侍御訪之時邵亦主紫陽書院

雨窗雜詠

深巷閒門少客過雨中誰復屐頻拖
先生飯罷虛堂坐靜玩庭階長嫩莎

春來翻覺水泉縮幾夜天漿助井華
覓句待將靈府淪青衣恰送一甌茶

遺教經傳戒律勤齋心校錄妙香薰
却緣著火含餘潤贏得徐留鼻觀聞

瀟瀟冷氣逼殘缸忽地風回灑破窗
此際那堪篷底臥

客游應已渡邗江

香市口號

六言

東作田功未動西湖香市方盈幾日尋花問柳終年女
織男耕

衣白翹瞻大士踏青斂避村娃聊稱裙腰芳草誰歌人
面桃花

信心多善男女祝願惟大吉祥頑福蚤承佛力淨財普
施僧房

卑田占斷王澤乞食分傷祇園演成地獄變相請種天
堂善根

用物兼收弄物市人仰給鄉人憑仗銷金鍋好妝點搖
錢樹新

照殿每昇椽燭花蹊時聽縱金欲得湖山清淨直須新
綠成陰

暮北朝南爭趁壓舷貼水堪虞舟子招招未已却似千
金一壺

雨蓋便爲拄杖春妍不羨香轡三竺兩峯都徧尙留餘
力吳山

清明前一日展墓憶三吾

時客泰州

前歲清明盼到家

丙申清明後五日自粵歸

去年插柳共天涯

丁酉清明

侍余發揚州

卽看奉奠趨芝隲又遣連枝憶棣華脫却鹽車

仍蹢躅添將海賦孰咨嗟流光容易三春過回首松楸暮景斜

誠齋招集湖舫

羨君先我賦歸田黃海逍遙寄十年爲有湖山邀勝賞
頓看童冠侍名賢行窩佇待賓筵設樂事翻從地主便
隄柳漸深花欲謝肯教辜負暮春天

舊雨追思起浩歌青門昨歲憶重過山林幸許吾曹占
邱壑無如此地多借酒消閒慕犀首當餐廢箸笑廉頗
余適應知老疾行將至極意娛游柰晚何

三月二十日子孫輩以二老人重逢花燭之期治
具奉觴解嘲志喜

陶匏何事復雙陳五十年來舊曲新背後未妨兒女笑
尊前且喜勸酬頻三春領取當時景一品同留自在身
却願承歡徐祝願齊眉總得似前人

程貞女詩

夫死撫孤是爲節夫死殉夫是爲烈未婚夫死特傳訛
遽以死殉傷勇決例不請旌陳志館志例精嚴途復閉
劇憐節烈兩無著慘動黃泉噴碧血我聞女德重貞操
如此守貞亦奇絕有何標目費調停便擬笑麾隨泯滅

丹鉛儻未付鴻編

自堪鐫短碣餘杭故與武林近

萬口喧喧如一說邱生

名郊民錢塘庠生

淑配配維程恨不同

牢誓同穴

聞貞女已列郡志再賦一律

節烈分途貞範垂女而不婦

借

遂兼之莫嫌冒昧情何

逼似鑒徘徊死便遲綽楔未堪標宅里輜軒會值採風
詩然疑斷自春秋筆峻潔須徵冰雪辭

快啖黃魚作

古人惟託興寧爲口腹需季鷹憶鱸膾似未知黃魚少
陵頤頓食却教悶未紆我幸泛歸艇煙波隨釣徒試評

江湖味誰復金齋如遭遇有顯晦泥古將毋愚況此千
里羹雉尾鮮芽舒芼之亦相配松葉炊山廚家釀適新
熟下箸無留餘莫遣過夏至行化爲冠冕

獨游湖上雜詠

今春暄寒異晴雨猶均調田水亦云足無假傾天瓢盡
日偶震震隨風暫飄蕭舟行增感激愛我如愛苗

禪客戀城市逸士安湖山過從得傾寫筆墨勞刊刪恰

喜雨方閣何惜船久灣可去亦可住誰似二老閒

過誠齋屬

定五十三參
記劇談乃別

湖樓來往熟貰酒仍烹魚篷窗補午食舟子童奴余自

有山水共未妨賓主虛悠然獨酌趣詎不陶公如

羣雛盼弄物翁歸迎短筇禪棲傳怖鴿清響暮空鐘

俗所

謂地

鴿子更添瓦盆景秀踰苔翠茸詫汝曾識否厥名萬年

松

臨喪感慰述示兒輩

孝子哭方哀弔者顧大悅措語似非倫竊疑孟子說真
性有時現疑義一朝決吾杭舊喪禮中外同慘切詎能
終日慟哀固有其節但隨賓進退稽顙輒哽咽正使淚
暫乾長號亦無輟用假愧亂真猶勝禮全缺不知何年
起此響遂中絕總帳祇空懸寂若芻靈設我歸初見此

大息氣爲結其來誠有自何意染吾浙今朝到喪次觀
聽乃殊別號咷良僅見庶不負衰經余心亦增痛痛已
喜欲啞應知至情感語妙轉心折舊禮冀終復譏彈盡
瀚雪書以示兒曹吾年嗟近耄

題倪山友濤先生碑陰

崑渠注海孰窺津涯先生著述其書五車貢之天府副
在王家所著周易四尚六藝之一錄二種昔於癸巳
歲爲上之書局已徵採錄姓歸田時將局付
收照呈履邸質邸侯局校檢取原稿分藏揚雄無後傳者侯芭

成山席上觀帶礪萬年瓶爲賦長歌有序

瓶高尺五寸口徑四寸半腹圍三尺二寸三分黃土爲

胎被以碧釉入水既久釉剝胎呈碧三黃七而沙水漸
平摩光潤無璽正如染色相宣秀綰一柄廣一寸六分
厚僅五分作盤螭狀獨無駁落其腹爲螭房環封太半
延及口內底尤壘積螭隱其首尾惟二爪露焉螭亦久
枯且碎攢簇峻嶒瓦甍鏡光陰陽間錯神鏤天繪纓帶
成三素雲自然之文非人工所能倣也貯水微滲然柄
不斷而口無缺汨沒波濤凌雜砂石不知幾千百載而
歸然有以自全卒遇識者拔其幽滯其殆有數焉存乎
其間耶成山自臺灣得之錫以嘉名曰帶礪萬年將以
貢諸天府余幸獲捧觀而竊慮繼見之難也紀其大

略仍系以詩

陶家何代蒸黃土搏作偏提繞螭虎石油

同釉

浴出翠螺

圓頸直口寬腹如鼓田間宜作老盆伴却借漁翁貯村
酤醉眠不覺風濤驚此物欹傾墮海浦隨流衮衮似鴟
夷妙解轉旋無齟齬瓦全便足勝金注寧向泥沙望尊
俎魚蝦出入礙空游蛇鱗延緣難結聚介蟲山涌莫如
螻層疊相黏何可數螻從瓶附應中手瓶得螻封資外
禦不知膠固幾何年小劫滄桑仍陸處螭奴乾死類空
螯僵殼摧殘餘蟄戶翻覆聊占杯玦開明滅還看蚌珠
吐自然攢簇散堆花時復嵯峨起孤嶼素雲留蔭影玲

瓏玉葉駢羅工刻楮碧衣強半被礪裂本色胚胎供綻
補中邊豐圻自分界水漱沙磨滑於乳青黃映發了無
痕渲染正同臨畫譜誰逢窯變獲珍玩疑探龍藏容快
覩成連舟過識寶氣頓罷琴聲旋起舞載來重返人間
世三古尊彝誰似汝擬將帶礪錫嘉名應共瑤琨貢
天府滿堂動色詫奇絕豪奪巧偷心自語我知此計定
不遂聊寫真形歸我所恨不能畫畫以詩引興先斟巨
觥舉

偶閱王右丞集見青雀歌倡和諸作感而效之

啾啾青雀兒集靈臺畔思翻飛却愁取食不自給何日

得飽當來歸

啾啾青雀兒窮秋鍛羽飛苦遲沖天遠志覬蚤遂卽今
無待三年期

啾啾青雀兒巢中黃口羣苦飢曾聞奇疾猶可療獨有
貧病真難醫

啾啾青雀兒海鵬招汝凌天池同窠老大終待哺忘汝
辛苦笑汝癡

啾啾青雀兒傲睨鴻鵠矜毛衣一朝竊食被彈射螻螳
窺汝脂瓶肥

啾啾青雀兒赤雀銜書我不知鶴鳴隨意聽子和教令

識字徒爾爲

啾啾青雀兒雄卵鰕盡留羣雌但從他姓助蕃衍誰向
外家憐餒而

靜廉齋詩集卷二十終

靜廉齋詩集卷二十一

仁和金 牲雨叔

謝陶軒餉瓜並爲快雨志喜

戊戌下

頂旋熱鐵輪心乞寒水玉空夢挹瓊漿舌乾不得款陶
軒北窗坐坐享羲皇福憐余將暍死餉以綠沈綠捧來
碧盃冷吸取紅泉漉清涼沁心府頓遺忘

去

炎燠分甘

逮羣雛未徧如欲哭所操亦無棄童妾競披剝妙理更
參詳連筐其數六恰占陰氣應宜有天瓢沃蒼虬驚探
卵果趁雷車逐膏雨遂翻盆焦枯命俱續高人微示兆
大地解煩溽我實荷先施照席剖荆璞厚意若爲報良

覲苦不數行當撥新醅賞雨待茅屋

題同年王文河

喬林

太守春風生意遺照

鹿鳴同聽日五十五年前追步瀛洲去懷人雲漢邊
萍蹤方待合駒隙遂徂遷猶及題遺照誰能不愴然

膏雨連秦晉江淮澤更深云何宣上德但有愛民心
獨力疏川漲終朝挽陸沈長生誠報東還望大爲霖

英氣橫眉宇須髯每戟張驚心同武健入骨是循良
醞釀三春意滋培百卉芳魏公元嫵媚麗景暫徜徉

廉吏子孫困問天將柰何我聞陰德報喜見象賢多
根柢凝元氣菁華發舊柯指圖重慰勉此理定無訛

訊齒

吾行就委蛻汝獨久戀棧噬嗑旣無權還令礙餐飯欲
去更遲留將毋待詩餞

齒答

託體七十年甘苦承與共君自撥其根我乃廢無用骨
肉欲分離誰能不深痛

枯蟬

蟬蛻乃習見何來此枯蟬外無鳥啄傷內無蟻穴穿薄
翅紗縠細廣額冠綏全黑黃相間錯竟體髹漆鮮乍看
如贗作諦審惟神遷物化輒敗壞那得留輕堅良由吸

風露蚤絕臭腐緣微軀遂不朽寧異鍊形仙故知清高
品宜配貂珥懸作詩表厥美省躬徒惘然

宗陽宮芙蓉石傳是宋時德壽官物邵一雲

晉涵

編修屬賦

風送金鼈背上游錢王舊土九哥收由來官觀承家法
至竟香燭付道流水碧幾年歸玉盃冬青何處認珠邱
賸將一片芙蓉石猶勝東京磐固侯

送邵一雲編修還朝

南宮瞻舉首咫尺近蓬萊卽此成平進何緣表異才雲
垂鵬羽息風送鶴書催宿望重徵起中天秘閣開

邵以辛卯

會元歸班薦入四庫
館編纂 特授翰林

臨安方續志聞見仰書林讀禮逢餘暇行窩許暫臨體
裁超典籍謠俗備州箴越絕通吳語由來貫穿深

聞就衡齋講嘗同苜蓿盤孤孫今志學日課每躬刊忘

分兒曹及推懷弟畜看感君敦篤意希古未爲難

周迴川秉

鐸餘姚邵嘗講業近來志局招其孫象春飲食
教誨之三俊亦從餘姚相識故交之誼殷然

瀛海徒相望湖山偶共游三年歸魏闕一棹隔仙舟飛

步雲霄迴鴻編金石留芙蓉資絢采佳詠補曾不

前許和余

芙蓉石詩
尙未之見

追和大兄己未九日見寄韻

登高爭似閉門高
頭禿何堪更拔豪
避客漫勞人送酒
繙經憑說字無饒
會參戲馬元蕭灑
心繫原鴿祇鬱陶
一自茱萸齊插少
懶因椒櫞檢離騷

題梁慎五

徵

司馬臨懷素自敘帖

我昔懶臨書
搦管便求似
躁心限天分
竟以不成止
粗解辨真行
草書空瞪視
狂僧有懷素
張顛避逸軌
自敘得意深
腕底龍蛇起
何人珍舊搨
梁鵠裔孫是
癖嗜與神謀
運筆得其髓
我初不識字
眩轉陣圖裏
一氣渾迴旋
千詞窮比擬
聊借任華詩
移贈盡之矣
正如影與形
隔鏡無彼此
鄭公今妙手
先我契斯旨

鄭誠齋有跋鄭善草書

夢侍 先府君閱書之次蒙問趙括之名有寫作
別體者否漫對似見有作佗者隨詳示某書從
手某書從人實皆所未聞也復示近作題畫馬
一絕命和仍諭必用一坐字覺來都不省記唯
三韻了然謹追步一首并紀餘語

感遇知音坐聽嘶調馴寧復背相蹄滇南舊有空羣賞
畫骨還教學品題

曾策駑駘傍屬車武功馳騁計全疎應憐馬服不才子
把卷猶能讀父書

珂貝

有序

戊戌孟冬姪三典歸自東洋守風海浦拾得介蟲殼一
厥狀詭異故詳賦焉凡介蟲如蟹螯有足者無論卽螺
蚌皆能開闔游行惟貝未知何以運動是物近之余觀
佛書每以珂雪喻象牙又云如墨點珂貝雖小悉皆現
今其色白而腹背自有細點千萬一一可辨爲不得其
名也則姑以珂貝命題

阿買東洋歸貽我介蟲殼規圓徑三寸龜背稱鼈腹周
遭緣其邊無因露頭足沿邊啓一竇厥大僅如菽中央
麤臍剔光映許斜矚轉側睨其間如有枯觥剝界道五
出分交湊葵心蹙翻手相其背別倣梅英簇花瓣橢而

長花鬚髯以禿馬乳象低垂蟻穴通往復分明封泥印
密比排針鏤照影漏微茫欲邀亭午燭懸霄旣絲穿餘
亦隱蒙穀試教微注水細沫滲瀾潄呼吸自疏通出入
總圈束或疑瓊蛭聚借窟共棲宿或猜蛇蚓盤行牽止
還伏不爾廢爬沙何緣謀一啄賦形良混沌飾采誰雕
琢天巧肖人功跗萼儼華縟曾聞山海富陸產同標目
布帛雜綸組作意鬪蕃育仙島燦天葩修羅投釀麴蛟
官正催織新樣泉先錄貝錦讓奇文衣被徧鱗角甲卒
備彌縫巧綴冠三屬吾言涉荒怪目擊寧未熟由來化
工妙物采傳杼柚鳥獸絢文章冠綏蟬范肅雀屏與蝶

翅金翠紛斑駁方圓就行列畫稿自成幅此在人文先
孰與筆端貌眼前徒見慣不復煩商榷追惟河洛瑞始
自龜龍告借證亦其常象形徵把握天質本堅頑詭製
頗不俗胚搏礪玉砂膚卷澀勒竹陳橘剩霜皮諸毛拔
豪族磨平鯨鞞皴偃作鸞尊覆色冷如削瓜聲希同擊
木有芒堪作礪諦審莫輕觸博物竟何人識此無名樸

蟲劫二十章

有序

並育相害頗少兩全出死入生同歸萬化索居多暇觸
緒拈題或目擊所存或畫手所寓或取諸說部或傳自
客談比啖食於熊虎參得失於雞蟲聊借卮言證明小

劫始求端於義殺終取節夫仁心物理細推人情不失
報本誰如獺最先冰魚初上解明虔戮禽佇待行秋令
鷹爪豺牙迭獻鮮

獺祭魚

禹步曾聞鳩禁蛇書符啄木得蟲賒故知鳥跡通仙篆
羽化真應屬道家

啄木取蠹

南土元無主簿蟲眈眈緣壁漫稱雄讒言毒螫同鉤尾
榛棘叢中好奏功

蝎虎捕蠅

堯年肯借侍中誇麟鳳分庭兩放衙多少蟪巢經撲破
天然鍊出夜明砂

蝙蝠驅蚊

徧身荆棘久成團猛虎還愁卷鼻酸山鳥本來難置喙

腹心披露笑無端

蝟受山鵲啄

見說王孫實可憎
劇憐狨座迫趨承
磨牙吮血憑供給
少緩須臾待枕肱

狨制猴

幸得依人共處堂
頓嫌瓦縫愧雕梁
誰傳藥性工求艾
臭味差池促遠翔

雀奪燕巢

望雨常占陰鳥和
豈知同室慣操戈
騷人且莫憎佻巧
布穀其如婦口何

鳩逐婦

有足久輪無足捷
跳梁何似井中安
到頭一例遭屠滅

誰檢巴邱象骨看

蛇趁蛙

橫空組織勝拋梭
正喜飛蟲滿院多
蟠腹不虞逢刺客

網羅張設竟如何

蜂螫蛛

顛當負戶工偵伺機穽專藏反覆中
自被螭螭闖入窘

悔教窟穴少旁通

螭螭擒顛當

歌聲舞影趁春晴
柳岸花蹊好送迎
妬寵瞥然矜爪觜

東皇應惜太無情

鶯捎蝶

狸奴本自號銜蟬
吸露餐風亦可憐
却被螳螂嗤越俎

放教鼠子盜腥羶

猫捕蟬

天馬行空墮地纔
不圖雞口適逢災
驚蟬枝上遙相語

宿怨憑君代報來

雞啄螳螂

主人珍玩寄盆池
依藻從容未易窺
闖首適逢枝上鵲

正同報喜攫金時

喜鵲盜金魚

飢鳥側翅渚間探水族寧防賊性含自有帶繩工縛取

波臣偏悟餌堪貪

鳥鰕誘鳥

鷸蚌相持語未闌韓盧東魏又疲殫漁翁田父從容拾

却笑功收刺虎難

鷸蚌爭

甲冑戈兵武備全寅將軍亦費周旋若教省識鯨魚化

還向龍堂敘比肩

蟹鬪虎

煖足寒宵曉放歸餘生如得佛光依相逢只恐終相誤

目送還勞分背飛

鵲放鴿

醉心桑甚擬重尋天遣飛鴉共革音憎眼不須仍疾惡

却教激發殺機深

鷹化爲鳩

蟲釋八章

有序

弱肉強食未免胥戕易貌分形居然相得判鑪錘於造化協天地之和同厯夷險以全身盡生成之變相殺機熄矣樂意油然而爰倣釋蟲之箋疏特標蟲釋爲懺悔嗚呼性本驗於虎仁恩莫深於烏孝如斯異產別具至情非獨爲搏噬解嘲亦足示侵陵作戒但明一體何必四靈

營窟檜巢往復還輸他外內共蕭閒羽毛異族成同室

贏得嘉名表一山

鳥鼠同穴

鳥外而鼠內

營巢性拙恃因依維鵲能容蚤識歸百兩盈門增喜氣

擬將王化始宮闈

鵲巢鳩居

百鳥安巢頗拮据寄生誰復杜鵑如不緣義結君臣重

識母還看少共居

杜鵑寄生

貞蟲似恨無遺種善祝相傳教誨多類我也知終背我

暫同蜂子聚成窠

蝶蠃負螟蛉

行藏祇爲同飢飽離合旋教判死生何日鮎埼亭畔過

拾將海鏡看分明

璚蛸腹蟹

蒼蠅附驥暫相於歷走終身託駟驢不是殷勤供美草

那能脫險共安居

蛭負歷

水母賦形眞混沌好憑蝦目共浮沈長鬚沾潤貪餘沫
鑿竅元無報德心

水母目蝦

胎生幻作卵生希角獵心精感孕微捷足自能隨母影
右牽左臂喜同歸

鷹背狗

今雨堂小集次摩村槐塘韻各一首

消寒爲欲借春權促坐偏宜度

入

二筵今雨歡招林下

客深冬煖應酒中天園收似寄岷鴟種海錯聊供魁

鮮

時得揚寄芋及車螯卽以供客

更就探籌標齒序疑年了了認差肩

初用酒籌籌取十二辰詩句五七言各一周

贈答寧論拙與工劇憐齒豁對頭童老元詩格歸才子

小戴經神繼侍中若遣更端三禮徧

時施刺史武箴敬勝攜外孫戴童子

一塚在座槐塘以儀禮章句贈之坐客多與問難

正須破例一燈紅笑他江左

風流客盡日徒知戲蹙融

質孚姪埴進齋遺集題詞十二首

阿翁於我兄稱弟我亦連枝附棣華雍正初元南北舉

宗盟年譜總肩差

尊甫江聲兄少先兄一歲同學至契又與余同舉癸卯故宗誼尤篤

藕花文讌敘先庚小阮吾猶讓乃兄從此廿年嗟濩落

僅能踵武上蓬瀛

阿兄赤泉煨長余二歲質韋集十八人齒序赤泉十三余在十七

尙憶君方露頭角衰宗此寶我甄奇寧知孤雁淒其日

留待懷人一首詩

衰宗生此寶寶齋爲來通此余庚戌贈質孚句其京邸懷人作有云吾家

癡叔真癡絕嚼徵含商不救飢昨寄一篇孤
雁賦可憐客況轉淒其則憶余飄泊山左也

聲望居然冠石渠高文典冊重相如一麾出守終淪落

那得巖間穩讀書

初任奉天錦州

同室俄然駭震霆倉黃西市索灰釘君恩天大深於

海罰作睢陽相杵聽

戊辰之厄余適同居呼吸死生心膽俱墮先號後笑共拜天恩

帝念連城版築功頓教安國起徒中暴顯辛苦經遼海

咫尺龍津路又窮

罰修望都城工竣制府奏委承修新安唐縣定興東安清苑五城蒙恩

復守順德調天津旋以註謫謫戍期滿放還而卒

艱危飽歷僅全身報主捐糜志未伸經濟總因蹉跌

廢祇憑餘事作詩人

幽燕老將沈雄氣代馬嘶風想見之底事玉關生入後
便同焚硯更無詩

九卦三陳憂患深韋編精義重窺尋從容觀象幽居適
多病還教廢越吟

謫戍以後無詩惟著有周易觀象如
干卷

盜竊陳編自古然注莊無出子期先誰知郭象收遺稿

不遇批根已借傳

周易觀象爲人借觀隱沒余搜訪久
始得爲上之四庫館

由來名士悅傾城體近香奩結習成更就詩餘想風調
晚年潦倒爲多情

前輩風流聚一家聲山夏重竹林誇途分夷險傷存歿

竊比當年剩老查

前輩海昌兩查先生聲山昇於夏重
慎行爲姪聲山實爲夏重前輩歿康

熙中而夏重雍正間尙在余與質孚亦猶是也二
查同內直夏重有老查之稱見敬業堂詩自注

不寐示三俊

無燈亦無月闔室自生白游思何縹緲隨意繞篇籍斷
續屢沈吟排比勤搜擇叶韻欲投囊覓對喜聯璧昨夕
偶遺忘今宵可重覈缺略剩今宵補完在明夕本因心
血衰夢境不留客藉此更消閒微明透窗隙正足悅心
神靜中常有獲不寐復何妨兒曹學求益

悼珂貝

我作珂貝詩詳外略於內內故不可窺見則必於碎不
如不觀完昌黎句堪佩豈知成毀數如日夜相代吾詩

成未久貝已擘如喙中藏頓發露聯落貫腹背細柱密
若林下蟠因上戴離立自成行編伍儼分隊吾聞坤輿
厚恃有地軸載是物祇么膺那許肖形配懸知化工巧
雕刻期盡態但想此中居終未測其槩微生貪聚族寧
距應蚤潰一體便平屈伸內骨轉多礙無緣問海若斯
理任茫昧空勞剖心示徒剩破壁在打壞復誰爲失手
我增慨終始得詩傳於我或無悔

疊和同年陳玉盟觀察見寄遺作二首

昨歲征途小駐驂陶公聞說苦乘籃寧知永訣驚殘夢
賸有賡吟當劇談化鶴未歸情自適炙雞何日遠相探

麥舟高誼今猶古蘭譜晨星故事諳

子泌書來欲余代爲告助

西湖游興佇雲驂

次作尙有來湖上之意

藥裏遙憐挂壁籃北上

更期尋舊雨

庚子儻重經淮浦尙擬訪之

東來殊恨失清談捧持絕

筆難爲繼羞澀空囊不足探太息葛衣公子困淡成幽

契兩心諳

靜廉齋詩集卷二十一終

靜廉齋詩集卷二十二

仁和金 甦雨叔

問陶軒疾留飲戲呈

己亥

賀歲本無謂病減乃真喜回頭三日別重見一年紀新
正春氣融霰霽應雨水人情勤造請吾亦豈能已抖擻
上君堂遺挂拜吾姊徑就榻前坐僂身不煩起殷勤訊
餐飯稍稍益匙匕糗餌偶雜進穀食亦堪抵暴下漸有
瘳補中誠至理呼兒具酒饌布席順頤指我無獨享愧
滿引恣快齒臥看如醒脾春盤覺餅美隔座輒分嘗兒
孫笑相視憶昨與君期泰來佇傾否卽今信有徵五惇

虛左俟我疾頗同君河魚嗤唯唯無若老饕何失一常
得徒會記廉將軍亦飯亦遺矢

時余亦走廁甚急因戲及之

外孫汪嘉謨

如淵

以素扇乞題明日攜往泛湖得

句卽以書之

新年雨水交春蚤霽色乍看今日好草翁慣與外孫戲
豔說六橋勝三島暫教家塾脫樊籠試乘湖舫凌沖融
軟紅塵裏自生長故鄉山水驚童蒙好景算來看不盡
一棹夷猶且徐引不知隄岸似奔虹但覺樓臺如吐蜃
平蕪鋪碧柳絲黃桃杏爭敷濃淡妝圖畫天開憑渲染
漫隨杖履恣徜徉明春望幸翠華舉修飾景亭摹禁籞

庀材充牣正鳩工襖靄聲中雜邪許應知小子尙緣慳
草草登臨佇北還二月卽隨母歸京邸飽喫魚羹識鄉味兩峯他
日待躋攀素扇昨曾求墨蹟未得新詩閒筆格興來恰
喜紀游成揮灑不愁嗤叟白

同年應穆堂

際盛

刺史焚香默坐遺照

燕寢凝香足自娛椿庭視蔭敢躑躅百齡珍重拋簪笏
甘讓王尊峻阪驅

倦倚蒲團暫息機旁看莫訝脫斑衣中年筋力輸翁健

裁向湖頭奉杖歸

尊甫楊厓先生壽百有三歲耄年康健時步履行游

蜀棧秦關想蔽虧心隨香篆裊游絲正緣宦海抽帆蚤

閒處沈吟百一詩

齊年寥落似晨星貌得鬚眉認典型題句摘鈔成鬼錄
賸余聊作未乾螢

卷中題詩諸同年皆下世矣

陶軒輓詞二十首用代祭文

痛我長無姊留君似有兄何期五年聚遽作一宵行六
逸音誰嗣千齡讖蚤成淚盈堪泚筆聊復敘平生

戚誼深童卯平頭七十年前塵各淹滯晚節共安全幸
踐魚書約方期雁影聯死生寧齒序一飯必居先

家塾山池好吾兄句有傳晚花寒食院疎雨讀書天東

髮追隨始操觚託宿便盤桓幾廿載存想尙依然

君宅後園

亭殊勝晚花一聯家大兄題句
也余赴童試入城往往假寓

遲雲適君意今雨愛吾廬家運皆中落游蹤少定居背

馳千里道望斷數行書悶默兩延歧頗愁重會虛

君園中有

遲雲書屋吾家湖
墅舊屋曰今雨堂

吾姊持門健紓君內顧憂白頭甘旨備黃口羽毛修壯

志四方展歸期百歲休鰥魚嗟獨夜報我涕交流

姊以己卯

歿壽七十庚辰葬龍

門山時余官京師

家學諸甥繼時需幹濟才幕蓮千朶豔庭樹一枝摧賦

有傷心句篇仍樂志裁曾元方繞膝暮景且徘徊

長甥度以

諸生爲名幕不幸蚤歿君於前歲見元孫

湖山隨杖履宿望冠耆英流輩元無幾暄寒亦屢更自
嫌多古拙聊託倦將迎雅集欣從簡誰能識此情虔歿而人
情遽淡君常自引避

二老風流在維余許繼蹤悠然同泛艇率爾便支筇靈
鷺乘餘興韜光陟峻峯前年重九日猶記探錢龍

精神輸老輩疾疢耐消磨已聽膏肓伏誰迎和扁過漏

殘燈欲燼日景缶當歌俟命惟知命睢盱任病魔

病態進退

不常子孫與醫者宛轉
救療君獨自知不起

投老同閒寂閒中課未停寫懷憑覓句參學試翻經綺

語徒添障靈機足透局行期懸尅日愧我夢難醒

君與余同

受持金剛經臨歿前三日嘗
言初六日去矣類有前知云

形氣歸天地交親隔古今
寔毋嫌渴葬斂幸飭斜衾蟲

蟄惟依土鳥棲必返林遺言
真達識吾亦誦良箴

遺命
百日

內卽
葬

消閒借禪悅佞佛卽癡人
懺悔資身後緇黃味淨因以

云能致孝未免轉誣親擺落
空諸有超然自返真

遺命
勿作

佛
事

水木本源長佳城溯海昌
八旬便拜起一棹肅烝嘗禮

示恭先孝祥徵壽且康無端
九京樹蕉萃向春陽

自令
祖綏

山前輩以上俱葬海寧
每歲必躬生祭掃不失

萼園思濟美棠棣頗凋零孤唳愁聞雁和聲演頌鵲恩

勤推骨肉族黨仰儀型佇見分荆茂敷榮照鯉庭

尊甫
莪村

先生與兄漢槎有萼園七子詩社君有弟
三人皆落莫存歿周卹諸姪悉仰賴焉

厚德孚鄉里遺嬰闇識歸判教棄衢路不減育房幃小

試卹孤手誠參保赤幾一堂縣五代家慶眼前希

去秋
收育

遺嬰至
今存活

法家惟按律難越狴牢垣陰德終延慶時開駟馬門芝

蘭遞蕃衍鸞鶴佇騰騫一笑凌雲去長詒祖澤存

端尹參槐棘平反有後言儻令生幸免誰雪死銜冤風

聽然疑作書來子細論寧寬毋近刻殊悔舌忘捫

余在
秋審

班見應抵從寬者間有
駁議君聞而遺書切戒

龍門餘吉壤馬鬣卜深藏同穴相期久重泉歸路長掘

錢驚蚤識陟岵閔遙望季子罹艱酷能無踴踴傷度既蚤逝

長孫學誠承重次子際泰客粵未歸惟三子希曾在

柴桑有遺像松雪妙添毫君性非耽酒閒居實慕陶藉

申南極祝雅稱北窗高拓本仍留一愁看首重搔夢園中有

綏山公所顏侶義室君因自號陶軒性故不飲也余嘗以松雪畫五柳像并書歸去來辭石刻爲君壽

也知非久別欲展十年難少緩全歸願還留缺望端含

飴何日遂隱隱幾時干代我常愁歎憑君爲探看余少君十

歲尙無孫君常爲余慨然

送次女還京

別汝望重見重見頗不遲如何僅一月又當離別時就
養歸京師從子禮之正永懷遠父母應記昔人詠兒女
差肩侍安穩如浮家故鄉徒有壁家本寄京華有妹亦
從宦長途喜聯舟時四女相繼北上入都僦屋近何異鄉井游
正恐共思親南雲勞悵望邸吏匯書郵豈嫌音問曠前
月汝獨來後月彼偕去頓令父母心歡淺愁偏遽彈指
有此別不如無此歸笑口開幾日更添涕淚揮老淚且
勿揮蚤訂汝重見遲我入青門明秋瞻月殿

送四女入京

有家便作有行身從宦天涯不厭頻計汝往來將萬里
及今離別尙雙親君姑幸藉連枝奉孺子仍攜繞膝馴
遲我祝釐尋舊邸隔年旋喜見睂伸

最小偏憐屢挈行三江周歷認征程應官又逐青門去
戀別惟愁白髮盈姊妹音郵南北便弟兄宦學後先迎
遙憑梵夾傳清響卷卷聽耶喚汝名

女名三藐

汪存齋

鵬飛

招集玉璫瓏山房賞牡丹

前日同舉書帶草

謂鄭半桐

今朝又訪桃花潭兩家各鬪春

富貴我輩常得餘清酣玉璫瓏石解傳教花王羽衛俄
趨趨錦幃繡被助新豔天香國色留微憇垂枝交翠勝

油幕清池照影開鏡函粉團如欲備蹋鞠寶珠猶足充
并簪薔薇無力喜攀援

去

後房倚壁施朱藍穠華瞥見

心已醉嘉旨具陳樂且湛橫飛酒璣動逸興旁撚花譜
資高談金帶圍新見珍少供客僅能支四三故知別族
本寒儉奇品突出不足貪竹間水際孰延譽徒詠夢草
微聲餽吉祥催放詫擊鼓慈恩豪奪潛鼻籃喧闐機詐
總無取正恐花惱應爲慙櫻筍筵張春未老芳屏靜對
幽情含太平樓閣

花名見
羣芳譜

五雲起瑞相何減優鉢曇陰

晴開闔惜光景養花尤荷天恩覃不然風雨蚤摧敗煎
食空費酥盈坵洛陽名園賸幾所林亭蕭灑鄰牆參賡

吟自有水雲領還向通德門前探時半桐許和前詩未至

錢璵沙琦前輩雪棧圖

益部占星迎使車勝六飛舞鑄瑤華峨眉積雪蚤神往

歸鞍發詠從仙霞

先生始巡臺歸乘雪度仙霞嶺有詩云傳聞峨眉插天半往往積雪經年

餘凌空絕頂試聘望眼界開廓知何如行先生本是玉

當喚起王摩詰爲我繪幅冒雪山行圖

堂客一片肝腸凝玉雪看山尤愛雪中

先生有呼龍耕煙種瑤草圖

詩情豪逸輕千

奇絕呼龍耕種凌巔峴先生有呼龍耕煙種瑤草圖盤摩天巨刃五丁運霸橋驢背徒酸寒披圖恨不斯游

共雅唱賡餘采輿誦誰謂人行蜀道難祇覺公來雪山

重十月移旌又九江

先生由蜀藩調江右其出成都萍詩云剛來十月住又指九江行

蹤重聚上滕王

有九日登滕王閣詩時姓方督學豫章喜得重晤未久旋送入閩

旋臨

閩嶠敷膏雨磴道依稀少雪霜宦途離合如飛電貌得

清游渾未見荷恩先後許歸來一卷手攜邀白戰蠶叢

鳥道阻探奇那得虛摹冰雪詞吟賞但驚三棧過

自秦入蜀

經北棧南棧西棧共得詩如干首俱錄在圖中

試將比似少陵詩

立夏後七日瑤圃招集息游草堂蓋不到者四十

八年矣感舊抒懷遂成四律

殘春餘二日迎夏欲盈旬賓主尋陳跡池塘識故人晨

星未全落今雨不嫌頻五十年間事交談侑酒巡

安石東山起何能遂息游

息游齋楊尊公晴厓先生養疴未仕時所寄意也

家

門竟通貴出處信沈浮試問斟三雅爭如擁八騶憑君
爲老伴引我舊書樓

鳬戲方塘煖蟬稀老柳僵當年記優笑吉日祀文昌馬
齒留殘秣椒馨注舊觴猶餘沈郎在舊徒惟沈汝器郡丞尙存入座
儻無忘

適館授經日立年初度過壯心增慷慨自序寫蹉跎幸
憶刪餘稿仍邀醉後歌感君藍尾勸一斗未爲多雍正辛亥
余假館翼翼堂仲秋三十初度曾作自序一篇賢喬梓
尙傳道之徹席時更斟一斗勸飲云昔年曾以介壽者
不復省記
聊爲引滿

四月七日大兄忌辰薦享感詠

百歲光陰賸一期

大兄生於前辛酉
距今九十九年

泉臺望斷陟岡悲

卜居曾說三間屋

始識三間屋真須二陸才蕭條今雨
歇何日草堂開庚申在山左寄兄詩

也迄今纔
得置屋

懷遠空吟九日詩久識生天憑慧業定因浴

佛戀恩慈

明日佛誕日爲
先府君生辰

明朝髣髴仍來格幽顯同斟

介壽卮

先府君生辰奠次感詠以將遷居告

卅年從宦幸歸耕長傍松楸畢此生堂構近看營小築
雞豚恰值薦和羹新亭回首瞻依隔今雨重開安侑迎
成佛尙容追佛誕捧觴欣感一時并

是月二十日

先祖師宗公忌辰奠次感詠

七十年來夢境長

先祖歿於前己丑

含飴記傷佛前香感深逮

事曾承諱蔭遠詒謀信有祥徙屋正應虔祭告迎神如

聽笑評量阿瑛

姓小名也

畢竟規模小爭似當時鳳翥堂

馬市

舊居堂名鳳翥前輩沈繹堂蓋所書也其屋爲先祖翔構題榜固屬望後人先公遷居湖墅改署今雨蓋寄慨云爾自遺集既刻同懷稿嗣行今雨之名彰彰耳目庶足上慰府君矣今幸卜安宅翦啓數楹將並題鳳翥舊名以仰繼祖志焉

己亥四月十九日移居諸投巷追念一生託跡之

地感慨係之述示兩兒俾知艱苦得五古十章

我生少定居傳家方買宅八秩賸餘年五遷憶陳跡萍

蓬得棲泊壽命非金石聊復數從頭艱難感先澤

吾祖邁回祿馬市起新堂前楹顏鳳翥後嗣期鸞翔仕
宦矢清白田宅成滄桑我時裁四歲北郭遠攜將

湖墅卜幽棲憶在河之潯風景乃殊佳生計將焉取人
情同昨夢來客皆今雨寄慨自先君童騃若無覩

卅角迄成立二十有五年掇科行仕矣養志宜安焉無
端棄之去不念失所便廢興旋倚伏兆於羊市遷

東城幾椽屋下喬還入谷莫遮風燭影連聽星奔哭八
年聊小住一出更不復清波依外氏我固嘗坦腹

作贅欣有託僦居曾未歸

己酉至壬子贅居胡氏四年及僦居菊屋則余先出游矣

舅甥惟密戚兄弟同因依孤蹤上雲路盡室隨天飛從

茲三十載遂初心事違

京邸當鄉閭官衙趨傳舍半途家累阻時復一枝借

恩綽許歸休何方堪稅駕割宅五年停終然仰姻婭

自甲

午至今暫賃居汪氏興忠巷屋

五年勞問舍街陌行將周近取在隔巷古名表諸投

湖西

志諸投巷相傳宋時行市各有分地而此巷獨無禁厲也

嚴梁舊同好晨夕常追游

今來復誰在咄哉歲月邁

昔嚴季傳在昌大令與弟十區璉庶常梁葭林啓心侍講

與弟文莊相國皆同居此巷一宅中時與往還今並辭世

千金豔三致我乃一朝棄願惜不忍捐終無置身地暮

景能幾時正爲兒輩庇兒輩復貽誰

尙未得孫

聞言應心慄

今雨灑已足鳳翥猶徘徊虛堂幸連屬舊榜宜重開仰
酬先人志俯鑒慈顏迴置此一何晚良愧肯構才

移居後翦蔬小集槐塘補和秋水堂作見投依韻

答謝並柬諸公

良會數過從捷如綦覆局觴客煖新居雨行梅子熟高
軒逼淺砌密映油帷綠共喜換門庭纔看轉坊曲樓少

四望通山藏一簣築半識舊主人賓筵記曾速無待挈

周游繪圖堪畫腹

在座多與舊主人陸君游好
屋內重樓小山皆所諳悉

清談閱

時久廚餼屢趣督入座酒籌傳勿探杯底伏按次驗辰

垣收筒輳車輻

自製酒籌既配年齒兩週凡坐次方興
向及一切應有皆羅絡以爲飲節

劇引匏尊酣餘策邛竹晚晴快人意差免泥塗蹴瑤篇
酬上番去雋味同炙轂賡韻遞相要定占初筮告

謝未堂同門來湖上二旬尖酷暑未邀觴酌並簡

過從詩以寄懷

五載別時邀蠟屐

甲午揚州分袂有約

於今始見謝公來湖山正

喜清風被炎暑都教游興灰火繖當頭秋信遠冰壺濯
魄夜深纔城陰尺咫聊相望送雨惟占殷殷雷

解組歸來穩放舟三千水驛泛雙鷗荏苒深處猶相逐

記甲午秋聯舟南返事

杖履閒時那不游美景良辰難會合炎官

熱屬問行由勸君選勝休輕出高臥湖莊且待秋

哭晚滋八首

義苑尋盟弱冠年名高十八應圖傳恩科且喜同攀桂
仙路無因蚤著鞭我遂浪游甘濩落君方枕疾久沈綿
參商每歎如相避廿載分張各一天

陳橘皮香笑榜頭故人書到慰離愁寄將繆篆三橋作
兆協臚聲一句留白分科名愧前哲敢承期許冠清流

至今把玩璠璣重矩範長懷執玉修

壬戌余登第君馳書見賀并寄圖章

篆米南宮鴻臚初唱第一聲句其款則文三橋鐫以賀張文恭元作者也

隨流萍葉傍漁磯三十年來會面稀試拂緇塵衣恐浣
喜餐苜蓿貌偏肥一尊相屬須乘興十日爲期少息機

未卜重逢空戀別江津揮手片帆飛

乙酉余奉使江西乞假省墓君時任

鄞縣學博適以公事在省喜得把晤蓋不相見者三十餘年也

倦鳥常思返故林放歸同荷主恩深泛舟擬探湖山

徧祭酒憑微俎豆歆百歲也知依客旅二人猶足慶朋

簪更聯鄉曲雞豚會樂死寧殊逸少心

君先余解組歸里遂得常聚日

田兩座師春秋享祀君實爲祭酒

蟋蟀秋吟角兩雄共推逸興老還童稱觴閱月冰方壯

酬客連宵曲必終如此精神曾不減是何醫藥漫相攻

恨余逃暑常局戶永訣何緣執手通

君雅好鬪蟋蟀同會有返老還童之

祝

陶軒避席失先庚齒序惟君四座傾中聖總看隨舉爵
登賢誰更蚤蜚聲迴波銜尾留魚隊周甲追蹤聽鹿鳴
一个卽今嗟又弱那能晚翠賸孤莖

每讌會自陶軒歿後必以君爲舉首

浙省癸卯鄉榜存者絕少常擬君與余將重赴鹿鳴今松柏且摧復何有於蒲柳也

高齋新闢署維南結構天成生趣含疊石有情雲夜吐
栽花絕豔酒朝酣小園庾信俄停賦舊徑王猷忍重探

幸有干霄兩文梓孫枝啓秀盡梗枏

招飲常在維南書屋疊石開軒皆君

手自布置今苔岑方潤花木始繁而君已仙去每憶庾開府王子猷舊徑之句不覺隕涕中庭文梓二株知爲

兩哲嗣啓秀之祥也

質韋談藝叶簾塤先後騫騰上禹門已許天衢騁高步

還期洛社泛清樽乘車戴笠皆雲影華屋山邱總淚痕
怕向藕花居畔過故交盡矣一身存質韋一集零落殆盡存者惟君與余
君又先我而去傷
逝自傷百端交集

易靜廉齋扁喻意

陸氏舊名石壁山房

新屋舊書齋素榜署石壁榜隨舊主去我則換新額靜
廉摹捐本朱子留手蹟有客或然疑義與境殊隔小山
當北戶蜿蜒蹙靈脈羣峯迭起伏嵐翠煖欲滴花木亞
低枝芳馨時可摘寧知邱壑趣忽現道學癖將無殺風
景奇賞疑未析唯唯否否間我言君請擇石刻幾時傳
昔從京邸獲妙理契深心懸壁臨几席服膺二十載朝

夕凜目擊舊榻雖不存雙鉤猶可覓齋扁待更張二字
復誰易卽境義旁通君疑應盡釋由來山德靜心定免
形役山骨聳峻嶒廉隅藏鐵脊主靜更持廉嶽峙擬標
格學山至於山一簣憑充積朋游資砥礪爲復邀賞激
客亦領余言君真介于石

重上今雨堂扁

重摹題字釘寒廳先子當年感慨形雲影已分今舊雨
萍蹤如歷短長亭卜居清曠興殊減溷跡囂塵心自寧
冠蓋總無旋馬地依然窮巷戶常扃

重上鳳翥堂扁

幽棲差喜闢重堂題榜追惟祖澤長養志未妨留豹隱
傳家曾許引鸞翔桐枝竦拔孤偏穩竹實徐收少更香
勤囑兒曹守清白丹山餘韻聽歸昌

述新居大概寄示三吾

投老裁容庇一椽蕭疎今雨憶當年沿階密翬停除草
石甃略無寸土接檻空樓擬待仙有屋皆樓稚子走嫌賒酒遠
頑奴博喜典衣便屋後卽質庫祇貪版築前人力稱我心如

牆壁堅

靜境差堪自養閒就中占得屋三間春秋總少燕來去
晴雨徒嗤鳩往還書爲曬稀添蠹穴石因懶埽剩苔斑

一枝敢望成叢桂歸隱居然託小山

與沙招集畊石山房徧覽新構池館樓臺之勝頌

美之次卽寓感懷

昔我外曾祖顯亭嚴司農皋園勤奉母乃在東城東活
水注曲沼古木圍芳叢其中清校樓書田列橫縱板輿
游賞暇啓秀蕃孫桐我生不及到吾母言之重盛事繼
前軌近有與沙翁瀛洲福星出膏雨江海同廟堂正前
席結佩班夔龍 天慈體來諭嘉與孝作忠過家遂留
侍萱壽陔蘭豐雲章卽真誥蘭陔萱壽御書賜額也益算無終窮
昨歲綺筵祝小山書屋中一邱一壑勝遠想西池通瓊

臺朱霞映縹緲如浮空今來重結構放眼開心胸山房

喻畊石磊砢雲根封隨鐫引泉脈伏流歸所宗

庭前疊石爲山

中有小池

開軒俯激碧

後爲激碧軒臨大荷池

方塘秋漲溶田田玉井

蓮似分太華峯窈窕芳惜來晚翠葢珠玲瓏飛樓隔岸起

丹梯霄路崇上梁占吉兆鳴鳳方雝雝

池外高樓將爲諸郎君授室地

月桂手攀近佇染天香濃

時將揭曉

慈顏熙怡笑拜舞仍青

童鶴髮踰九秩七十萊衣紅古稱一日養不以易三公

公今長視膳一酌勝千鍾良辰召賓友同慶春暉融過

從元遞及嘉旨咸足供非無園亭美堪助詩酒雄但屆

懸車齒逮養寧數

入

逢故知勝地闢別有佳氣充天倫

現人瑞凡境皆仙宮不醉興何淺無詩心自忡閒居賦
誠樂池上篇尤工主人寫融洩座客賡春容伊余愧鯁
倡聒耳惟逢逢武林徵舊事猶記前賢風百聞輸一見
縷述縈深衷我亦拜恩退巖藪便疎慵五年初卜宅陋
室同寬籠恢拓旣少力粉飾殊無庸雞豚幸粗給爭似
負米舂於公較福命千里難追蹤謝別更珍重歸夢徒
惺忪

讀遺教經熟喜而有作

梵夾多夸誕微言未易尋誰標真實義善護妙明心遺
教佛恩重戒壇僧寶欽六根雲淨卷萬行海同深我幸

晚聞道疾逢醫下鍼奉持唯省過慙愧總如林

蟲窠有序

長約二寸如大棗然色赤亦肖首微銳而有出入之穴
底則室之徧體玲瓏不按經緯隨意作冰紋自然工妙
乍見之直謂髮結小花囊耳特有黑文一道貫徹首尾
略無罅隙則附著樹枝之迹宛然以是知爲蟲窠也其
質堅緻捻之拒指不陷無纖絡之痕却如鏤刻所就閱
世有年而色澤精采曾不枯朽凡蟲作窠皆以避風霜
此獨表裏洞達理不可解意其中本有如絲毳苞裏歲
久消滅猶廢宅窗紙破盡而僅存其櫺耶曩雍正間嚴

十區吉士得之梁設林侍講以圍棋決賭往復數四卒

歸梁氏余久聞未見今乃從山舟

同書

侍講索觀愛不

忍釋聊縷述以代圖寫而系以詩嗟乎小物猶存而兩
前輩仙去久矣人生安得如汝壽寧必金石方動人懷
息哉

曾聞天巧寄能蟲比似靈蠶作繭工爲厭藏身多束縛
儘教穿穴徧玲瓏夜深通映枝間月秋老長披葉底風
珍重編來龍女髮賭碁應待兩仙翁

龍女髮卽橘叟所
賭之一物也

傅家山送陶軒殯二首

五載暫追歡於焉遂長送想君脫屣去應試雲間鳳我

未造忘情猶然戀殘夢悲筵殷山轉谷鳥悄停晤行廚
方款客道遠亦從衆回思六逸聚下箸每教空今此復
何心當餐徒茹痛

陶公挽歌慘九月嚴霜加幽室獨閉置送者皆歸家我
參去住義所見無乃差住者信安宅歸者得息耶他年
重相送尙勞前度車臨河幸先濟寧羨返自涯君宜蚤
了悟不爲宿障遮

制淚首歸途耿耿河山邈連村微所見物理借商摧新
穀正登場曬趁雲陰駁誰言銍刈苦霜殺劇於斲老不
與死期粟必脫其殼奈何不委順如共造物角行吟且

陶寫旋過古東嶽

俗所謂老東嶽也

送朱石君

珪

學士自閩典試還

朝卽次其見投

原韻

星使度江城巧節未踰七閩海鹿鳴終賓筵欣秩秩投
我一編文文壇凜師律光氣燭蓬廬五慶榮三番清詩
敘平生醉心勝嘉粟前軒藉題柱扛鼎賦鴻筆冠蓋迫
逢迎文采自流逸得士信同歐作序豈須謚多儀仍遠
致扶老助參朮贈言聊以報反覆辨華實鶴禁席重敷
聞雞候初日果行導如泉進德捷於驛三善契都俞九
列佇承弼田間望天上珍重陸莊一

酹周晚菰墓時新訪得其手書所著一角編錄之
霜露仍驚歲序遷嚴灘風急阻歸船交情振觸三生夢
遺筆蒐羅一角編博古蚤愁君玩物保殘猶幸我加年
孤兒頗解父書讀他日分鈔共愴然一角編者晚菰詳敘其法書名畫古帖仿江村銷夏錄之例以自表其鑒賞也今所藏皆不知何屬并此編亦落他人之手余料其不可奪聊借鈔之將以傳諸其子治同云

吳氏兩節母詩

姑郭婦周先後撫孤守節家燬於火郭犯火負其姑楊以出楊無恙

而郭幾斃周禱神請代郭夢飲甘泉得甦後以壽終乾隆十七年准旌並載郡志周諸孫有

游庠者郭從弟己丑翰林寅爲乞詩

哀鳴寡鵠總聞天節孝坊看著代傳氣奪祝融銷烈燄

誠通北極濟甘泉孤危迭任宗祧寄生死同輕性命全
竹柏濃陰傲霜雪春回啓秀在芝田

送王甥惕厓入滇

憑將婉畫試南荒遠別能無涕淚湧已分羊曇懷謝傅
却同殷浩戀韓康萍蹤難尅三年約

甥期以三年
卽歸

雁足頻

傳萬里長汎綠依紅知得意不勞天末苦相望

昨以偶得東粵烏米燒觴客槐塘作歌見投次韻

奉答

元冥司冬水色應天一稂秔儲精醞釀正相匹羊城脈
貫羊頭山玉醴斟來如點漆消寒且復趁殘年

是日
小雪送

酒何須種秫田觥琢香犀海琛宜黑暗烏篷幾驛裁別
蜃人船翦蔬僅足供三九從事誰居督郵右借將黑齒
伴朱脣珍重同歌旨且有不逐鳳州誇手柳卅年重訪
嶺南人余以甲子壬辰兩使粵東寧識燒香別有春四座探籌欣徧
酌就中稠疊慶生申拈籌應齒在席甲申生者適有四人君其一也獨有先生
憶舊嘗草罷頌德契歸藏君曾應聘嶺南特知此醞所自思柔却助膽
堅剛五車辯囿驚多方錫圭端合首杜康共尋元石還
醉鄉赤水珠顆滿握償正堪代燭明虛堂

輓梁慎五司馬

藪實求循吏當前見幾人風塵偏蹭蹬離別已酸辛豈

意重來日翻成永逝辰承恩嗟命薄誰與問鴻鈞

盤錯甘頻試脂膏恥自汗但書中考下曾選大錢無校

藝明堪鑑臨池靜可娛卽看風雅意儒俗總殊途

自愧荒莊棄

余癸酉典山右試所得士

吾憐臭味同俗情思借潤公

論許維風卓魯聲名稱龔黃爵秩崇任勞徒任咎飄泊

竟長終

浮沈愁宦海雅志擬歸田人事勞推挽生涯限纏牽旅

魂迷故宅惡耗感凋年老我還相送悲吟淚綆懸

宗人與齋

肇鐸

觀察遺照

昔太昊佐實維金提洪荒幽渺史牒難稽逮漢西京金

人錫命亦有王孫先爲著姓自時厥後並祖稔侯詎矜
隆貴忠孝垂休源遠派分瓜繇椒衍自北而南由昭信
顯黃海靈脈暢支西山光祿始振遭時多艱一棹江通
三珠月漾于紹于杭荆枝相望錢塘之族盛於與齋光
前裕後名徹天階富壽康寧植基好德尙義型鄉急公
奉國龍章疊捧鸞輅頻迎扶鳩拜賜閭鄙欣榮永憶高
曾廣營宅兆列樹刊碑旁搜遠紹推明世系家乘增修
置田供祀匪懈春秋用慰先靈感孚追孝用示後人率
循身教盈庭蘭玉惇睦著聞醇風可擬萬石石君大耄
稱觴仙音雲奏高朗令終五福駢轅西溪之匯石隴之

陽佳城鬱鬱奕祺克昌嗟我衰宗遷杭自越十四世前
滄溟蕩汨有墓有譜惟明迄今如果重茁辭枝孰尋合
族統編東山門詔徵我一支附松以薦我懷兢惕沿波
討源儻誣似續黷其所尊不祖梁公武襄卓識何事汾
陽崇韜匍匐春秋之法特重宗盟凡在同姓皆爲弟兄
我齒肩隨飽聞風義遺像肅瞻題辭無愧

吾家自紹遷杭至明永樂

四年慘遇海嘯始祖二世祖墓之在太平門者皆被漂沒今祖墓之在青芝鵞者自三世祖始以上二代猶幸家傳其像譜載其名更求所自出則不可知矣始祖至姪曾姪孫輩凡十四代不敢與在紹者妄序昭穆他省更無論已昔已未前輩揚州東山門詔大修金氏族譜會索譜於我靳不授之懼其彊綴於某支之後不可憑而失之黷也因作是詩附志於此

靜廉齋詩集卷二十二終

靜廉齋詩集

卷二十二

三